



Z A P I S N I K

31. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 14. aprila 2009. godine

Sjednica je počela u 14 sati.

Sjednici je predsjedavao privremeni predsjedavajući Komisije Slavko Jovičić, zaključno sa 2. tačkom dnevnog reda, kada je većinom glasova izabran za predsjedavajućeg Komisije i u tom svojstvu nastavio predsjedavati sjednicom.

Sjednici su prisustvovali članovi Komisije: Mehmed Suljkanović, Jerko Ivanković Lijanović, Ekrem Ajanović, Jozo Križanović, Šemsudin Mehmedović, Hadži Jovan Mitrović, Salko Sokolović i Željko Kuzmanović.

Sjednici su prisustvovali: Reuf Hadžibegić i Enver Muratović, pomoćnici ministra vanjske trgovine i ekonomskih odnosa BiH, Lamija Kozarić-Rahman, generalni direktor Izvozno-kreditne agencije BiH, Seid Uzunović, šef Odsjeka u Ministarstvu vanjske trgovine i ekonomskih odnosa BiH, Medina Delalić, viši stručni saradnik u Sektoru za odnose s javnošću PSBiH, Radomir Marjanović, stručni savjetnik u Komisiji, Nihada Hadžić, stručni saradnik, i Emira Češljarić, sekretar Komisije za vanjsku trgovinu i carine.

Za sjednicu Komisije predložen je i, s dopunom tačke 6., jednoglasno usvojen sljedeći

D N E V N I R E D

1. Usvajanje Zapisnika 30. Sjednice Komisije,
2. Izbor predsjedavajućeg Komisije,
3. Razmatranje Izvještaja o radu Upravnog odbora Izvozno-kreditne agencije BiH za 2008. godinu,
4. Realizacija Zaključka usvojenog na 50. sjednici Predstavničkog doma, 1. aprila 2009., povodom rasprave o Informaciji o poplavama u Popovom polju, rijeci Krupi i na području Hutovog blata,
5. Upoznavanje o dogovorenom povodom obavljenog razgovora s predstavnicima peradarske proizvodnje (predstavka „BROVIS“ d.d. Visoko),
6. Razmatranje inicijative za izmjenu Odluke o ograničenju uvoza putničkih automobila, teretnih vozila i automobilskih guma Vijeća ministara BiH, od 6. jula 2000., podnosioci inicijative: Adem Huskić i Šemsudin Mehmedović, poslanici u Predstavničkom domu PSBiH.

Ad. 1. Usvajanje Zapisnika 30. sjednice Komisije

Zapisnik 30. sjednice Komisije usvojen je jednoglasno, bez primjedbi.

Ad.2. Izbor predsjedavajućeg Komisije

Na osnovu člana 30. stav (2) Poslovnika Predstavničkog doma, s pet glasova „za“, jednim glasom „protiv“ i dva „suzdržana“ glasa, **za predsjedavajućeg Komisije izabran je Slavko Jovičić.**

Ad.3. Razmatranje Izvještaja o radu Upravnog odbora Izvozno-kreditne agencije BiH za 2008. godinu

U uvodnim napomenama predsjedavajući Komisije Slavko Jovičić rekao je da je Upravni odbor Izvozno-kreditne agencije BiH, na osnovu člana 14. stav (3) Zakona o osnivanju Izvozno-kreditne agencije BiH, dostavio, 1.4.2009., Parlamentarnoj skupštini BiH na razmatranje Izvještaj o radu Upravnog odbora Izvozno-kreditne agencije BiH za 2008. godinu. U nadležnosti Komisije je razmatranje Izvještaja i dostavljanje mišljenja o zauzetom stavu Predstavničkom domu PSBiH.

U raspravi su učestvovali: Lamija Kozarić-Rahman, Jerko Ivanković Lijanović i Željko Kuzmanović.

Jerko Ivanković Lijanović istakao je da je Izvještaj detaljan i dobro urađen. Istovremeno je ukazao na činjenicu da u spisku plasmana sredstava ima veoma malo firmi iz Hercegovine i zamolio odgovor na pitanje o planu, odnosno namjerama faktoringa u 2009. godini.

Željko Kuzmanović istakao je primjedbu da u Izvještaju nema iznosa isplaćenih za naknade, stimulacije, naknade za postignute rezultate, visine pojedinačnih zaduženja po firmama i slično, što je nedostatak Izvještaja.

Lamija Kozarić-Rahman je, odgovarajući na postavljena pitanja, istakla da su firme iz Hercegovine imale isti tretman kod dodjele sredstava po svim osnovama ali da nisu iskazivale interes i potrebu za saradnju i sredstva Agencije.

Dalje je istakla da su sve naknade plaće i stimulacije na nivou bankarskog sektora što je veoma lako izračunati ako se zna da je bilo 12-13 zaposlenih u toku godine.

Nakon rasprave, Komisija je jednoglasno **prihvatila Izvještaj o radu Upravnog odbora Izvozno-kreditne agencije BiH za 2008. godinu** i predložila da Predstavnički dom PSBiH usvoji navedeni izvještaj.

Ad.4. Realizacija Zaključka usvojenog na 50. sjednici Predstavničkog doma, 1.aprila 2009., povodom rasprave o Informaciji o poplavama u Popovom polju, rijeci Krupi i na području Hutovog blata

U uvodnim napomenama predsjedavajući Komisije podsjetio je da je, na osnovu Zaključaka usvojenog na 50. sjednici Predstavničkog doma, održanoj 1.4.2009., Komisiji vraćeno mišljenje o Informaciji o poplavama u Popovom polju, na rijeci Krupi i području Hutovog blata.

Komisiji je naloženo da odredi delegaciju u kojoj će biti predstavnici Predstavničkog doma i Ministarstva vanjske trgovine i ekonomskih odnosa BiH za obilazak prostora (hidroelektrane, općine, agencije) i u dodatnom roku izradi mišljenja o Informaciji o poplavama u Popovom polju, rijeci Krupi i na području Hutovog blata i dostavi ga Predstavničkom domu.

Na prijedlog predsjedavajućeg, koji je **jednoglasno usvojen, delegaciju čine:** Martin Raguž, Slavko Jovičić, Jerko Ivanković Lijanović, Šemsudin Mehmedović, članovi Komisije, i Slobodan Šaraba, delegat iz Doma naroda PSBiH;

Sastav delegacije Ministarstva vanjske trgovine i ekonomskih odnosa BiH odredit će Ministarstvo u saradnji s resornim entitetskim ministarstvima, s tim da će imati tri člana (jedan član iz ministarstva na državnom nivou i po jedan član iz entitetskih resornih ministarstava).

Također je zaključeno da se o posjeti obavijeste načelnici općina Ravno i Trebinje, Agencija za vodno područje oblasnog riječnog sliva rijeke Save i Agencija za vodno područje Jadranskog mora; „Elektroprivreda RS“ i Zavisno preduzeće „Hidroelektrane na Trebišnjici“.

Za sve aktivnosti u vezi s organizacijom i koordinacijom ove posjete zadužen je sekretarijat Komisije.

Ad. 5. Upoznavanje o dogovorenom povodom obavljenog razgovora sa predstavnicima peradarske proizvodnje (predstavka „Brovis“ d.d. Visoko)

Predsjedavajući Komisije upoznao je prisutne o održanom sastanku i obavljenim razgovorom s predstavnicima peradara iz entiteta, uz prisustvo predstavnika Ministarstva vanjske trgovine i ekonomskih odnosa BiH. Istakao je da je na sastanku ukazano na težak položaj i probleme proizvođača i prerađivača pilećeg mesa u peradarsko-živinarskoj proizvodnji u Bosni i Hercegovini. Cilj sastanka bio je zaštita domaće proizvodnje i preduzimanje odgovarajućih mjera kod sprečavanja uvoza robe sumnjivog kvaliteta. Predloženo je da Komisija usvoji zaključak koji će biti realiziran u saradnji s MVTEOBiH.

Komisija je jednoglasno usvojila sljedeći **z a k l j u č a k**:

„Zadužuje se Ministarstvo vanjske trgovine i ekonomskih odnosa BiH da, u roku sedam dana, dostavi prijedlog mjera na osnovu zahtjeva iz predstavki“.

Ad.6. Razmatranje inicijativa za izmjenu Odluke o ograničenju uvoza putničkih automobila, teretnih vozila i automobilskih guma Vijeća ministara BiH, od 6. jula 2000.,podnosioci inicijative: Adem Huskić i Šemsudin Mehmedović, poslanici u Predstavničkom domu PSBiH

Poslanici Adem Huskić i Šemsudin Mehmedović podnijeli su Predstavničkom domu, 1.4.2009., Inicijativu za izmjenu navedene odluke Vijeća ministara BiH.

U raspravi su učestvovali: Šemsudin Mehmedović, Mehmed Suljkanović, Jozo Križanović, Ekrem Ajanović, Jerko Ivanković Lijanović, Željko Kuzmanović, Hadži Jovan Mitrović i Enver Muratović.

Nakon rasprave, Komisija je, sa šest glasova „za“, jednim glasom „protiv“ i dva „suzdržana“ glasa, podržala Inicijativu Adema Huskića i Šemsudina Mehmedovića za izmjenu Odluke o ograničenju uvoza putničkih automobila, teretnih vozila i automobilskih guma, s prijedlogom da se u tački I. Odluke alineja 1), 2) i 3) mijenjaju i glase:

u alineji 1) umjesto broja „7 (sedam)“ treba da stoji „10 (deset)“ godina (tarifni broj 87.03),

- u alineji 2) umjesto broja „10 (deset)“ treba da stoji „13 (trinaest)“ godina (tarifni broj 87.04) i

- alineji 3) umjesto broja „10 (deset)“ treba da stoji „13 (trinaest)“ godina (tarifni broj 87.02).

Nakon rasprave o ovoj tački dnevnog reda, Komisija je jednoglasno usvojila **z a k l j u č a k** koji glasi:

„Zadužuje se Vijeće ministara BiH (nadležna ministarstva) da, u saradnji s entitetskim vladama (nadležnim ministarstvima), ubrzaju donošenje propisa za reguliranje tehničko-industrijske oblasti u BiH kako bi se olakšalo poslovanje domaćim proizvođačima i nadzor nad tržištem.“

Sjednica je završena u 15,15 sati.

Sekretar Komisije
Emira Češljarić

Predsjedavajući Komisije
Slavko Jovičić